


石倉十二代詩選

五十二



漢書門類			
一四二冊	九架	三七四函	三五五號


內閣文庫			
三九函	一四三冊	三七四函	三五五號
五架			

內閣文庫			
番號	漢	3745	
冊數	142 (54)		
函號	319	25	

宋詩四七五十二

宋 四十九八五十二

五十二



石倉十二代詩選

宋詩卷之四十九

宋崇仁歐陽徹著

飄然集

明後學曹學佺閱

醉中食鱸歌

淺草文庫


君不見秋風未發鱸正肥張翰思歸心欲飛又

不見田文有客歌彈鋏為歎無魚聲激烈水晶

細繪落金盤須信江南味中絕山谷曾名醒酒

冰一筋未嘗延俗客助盤橙橘薦甘酸入口瓊

瑤碎牙頰扶起嵇康頽玉山滌破樂天醉吟魄



烹龍炮鳳未云珍策勲終是愧霜鱗江湖散人
興不淺爲羨此品常垂綸有時舉竿獲錦鯉玉
屑花中拚爛醉笑他大嚼市廛流浪說屠門能
快意靈運池中蓄頗多揚鬢鼓鬣戲清波知我
平生嗜此癖霜刀細縷紅玉槎典衣沽酒試轟
飲頡紋入面春風和平生逸氣射牛斗功名未
必常蹉跎醉來擊劒歌白雪閒愁萬斛俱消磨
俗態翻雲仍覆雨世情炙手復張羅丈夫富貴
當自致耻傍權門効文蘿雄圖自許羞俯仰請

看毫端食鱠歌

七夕後一日寄陳巨濟

并引

去年七夕待試臨川二三友從遊于巽溪閣
江山氣象如在冰壺玉鑑中汝川勝槩一日
而盡酒酣興發舒牋點翰爭賦新詩以攄逸
氣今年七夕憂患沮喪留臆結約強追談笑
會諸友飲于遽軒眼對景物緬懷舊事愴然
驚怛黎明欲遣人問巨濟動靜戲作古詩以
供捧腹

高樓昨夜西風轉。耿耿銀河雲葉卷。擎空皎月
弄嬋娟。領畧溪山堪指點。秋光次第磨青銅。一
味清涼襲庭院。遙知天外鵲橋成。半渚黃姑會
佳燕。凭高翻憶鳳樓人。慙慙乞巧陳芳奠。可堪
目斷心旌搖。砌成幽恨無人展。促樽欣得莫逆
交。脉脉閒愁憑理遣。清狂與白話平生。午夜香
然殘寶篆。淒涼此際憶年時。爛熳瓊樓興不淺。

重遊寥陽洞有感

尋真曾到寥陽殿。小立廊腰花影轉。飛瓊仙子
下瑤臺。綽約雲鬟眼。波剪水沈煙。斷一簾。秋醉
睡海棠紅玉軟。武陵歸去採年華。楊州夢覺江
波遠。重來風物恰依然。愛日融融素煙卷。洞門
寂歷鎖長春。異木槎枒插天半。霞衣冉冉媚東
風。綠鎖窗前重識面。酒酣春筭理琵琶。曲終依
約含幽怨。人間名利幾時休。馬蹄不駐空留戀。
桃花流水古猶今。回首碧雲人不見。

和答德秀長句

摩雲標格儒林秀。濯濯美如春月柳。毫顛交陣

歷代詩選 宋國朝 卷四
三
轟雷槌字勢龍蛇翻天矯才名籍甚燭景星卓
然可獨尊南斗締交雲路許攀鱗談我諄諄不
離口層樓長記聳詩肩吟苦任渠嘲太瘦暗中
輕擲道途人相視誰論報瓊玖強搜斐句答慙
慙當恕人才有能否

古詩寄游良臣兼簡陳國鎮

藿塩典淺知無策謝絕歸來事清白亂絲心緒
尚紛如時對風簷獨捫虱會雖稽古補前愆赤
水遺珠不難索仰公學問日芳新磨礱幸偶謫

仙人遙知議論到佳處眉間喜氣常津津我慚
蹤跡浪萍梗欲親斐几嗟因循飛奴寥落絕問
福渴心依約生埃塵以膠投漆貴耐久回光借
燭期知貧情均骨肉非有素白玉琢成心始固
莫學紛紛輕薄兒世情翻覆成雲雨登雲依舊
高嵯峨指掌江山勝槩多佳眠風物未入夢疑
泛靈槎遊絳河竭來乘興須一往飛觴爛醉橫
秋波膺門况有金閨彥筆驅麗景森吟哦悠悠
此志遂何日欵段相期踏雪過

夢仙謠

并引

良臣拉僕醉于臨川異溪閣江山勝槩一日
殆盡滿飲巨觴惟恐告竭酒酣興發徧狂不
知所如往爛遊花柳適有奇遇灑然非塵土
之境醒而思之恍如夢覺噫浮生荏苒特一
夢耳而于夢之中適有好夢焉豈容于默默
作夢仙謠以紀其盛事云知其夢者試揮鳳
藻以繼韻否

寥陽洞口風煙好枯木槎牙插雲島重重金鎖

遠嬋娟滿地落花常不掃蕭郎聞說已乘鸞
空餘九轉燒丹竈煙霞截斷絕非塵凡夫蹤跡無
由到高陽有客携佳侶訪異尋幽豁襟抱瓊樓
飲散恣歡遊誤入蓬壺如夢覺雲關初叩聞無
人松梢鶴唳如驚報須臾嚟戶迎者誰吳宮女
兒面凝脂指點蘭堂篆煙裊珠箔玲瓏罕地垂
高擎翠袖輕輕捲半露妖嬈素蓮臉嫣然一笑
啓檀唇喚我躋堂語聲軟相隨環坐一軒秋旋
列杯盤供雅宴倚風仙藥似有情競吐芳苞噴

香遠朝雲一段下陽臺。綽約標容塵世鮮。黛眉
輕拂遠山青。明眸斜盼秋波剪。蘭柔柳弱不禁
風。睡起芙蓉香體顫。櫻桃緩啓歌貫珠。夕陽花
外流鶯囀。曲終低語愈含情。自訴芳心猶未展。
苞藏惟恐泄真香。尋常嬌怯羞鶯燕。爲憐坐客
俱多才。拚羞試許求相見。安然若有惜花情。願
丐錦章鑄琬琰。溫柔淑惠已無雙。更聽斯言真
絕艷。放懷舉白不暫停。酷嫌鸚鵡杯中淺。醉玉
顏山卧綺窗。秋水一沫凝魚鱗。悠颺好夢入巫

峯。洩洩溶溶與正濃。遽然驚覺一何有。點綴餘
霞散眼封。依約餘香雖滿袂。行雲縹緲已無蹤。
壺中天地古來有。默想風物適應同。我聞劉阮
曾迷路。武陵邂逅如花女。靈丹咀嚼頓輕身。脫
洗紅塵已仙去。又聞仙去有蕭防。曾耦雙成飲
玉漿。一朝誤入華陽洞。于飛終許學鸞凰。仙凡
異境無憑據。每笑前聞但虛語。豈意親逢事偶
符。始信人間有奇遇。歸來燈火欲黃昏。隱几無
聊暗追慕。濡毫試作夢仙謠。端欲夢魂重默悟。

寄周居安

周郎辭氣帶煙霞。凜凜秋霜嚼齒牙。麈尾動思
談吐。屈筆頭遙想夢生花。三年幸獲從遊款。一
別那知歲月賒。遠欲飛雙傳翰墨。顏筋柳骨儼
秋蛇。

秋試下卽事有感寄國鎮

籬菊金英噴異香。杜門岑絕獨持觴。風掀脫葉
橫斜舞。雲襯平林淺淡黃。塞管有情增噯噫。野
花無緒伴淒涼。不禁景物撩秋眼。剩與新篇付

金囊

戲促朝宋酒約

雨收雲海湧金盆。簾捲香絲破篆紋。雙陸無心
酬白璧。十千有約醉紅裙。哦詩誤許聯師服。載
酒真當過子雲。待遣秋娘呈妙舞。春山已把水
沈薰。

約吳公美斐李驂同赴會次前韻

伊誰汲井旋埋盆。喜見荷錢點浪紋。小立不妨
人解佩。閒眠應有客書裙。未饒靈運吟春草。端

憶長庚醉暮雲。顧我從容尚無躁。韓公何惜爲
三薰

春日書事

寂寂園林照日遲。花梢經雨漫臙脂。輕煙薄縠
籠深塢。細草援苴蘸小池。暖力着人添醉聖。韶
華入眼逼詩脾。賞心不惜千金價。冷笑閭閻數
米炊

春霽

繡出園林霽色新。長郊芳草綠無垠。日籠瑞氣

輕浮幌。風掠花芬暗襲人。蝶慕竊香爭趁暖。鶯
思求友競啼春。試將何物澆詩膽。活火調湯濺
玉塵

臨溪弱柳

柳弄嬌黃暖律催。臨溪約略笑殘梅。鴨頭春水
回環綠。龜甲屏山掩映開。媚日依依籠霧閣。搖
風裊裊拂煙梳。柔絲恨不同攀折。獨立江臯首
重回

原上晚步聞笛有感

歷代詩選 外圖 卷四十九 八
一笛誰橫透晚空。傷懷真作鳥窺籠。解龜換酒
無知己。拾穗行歌悅。屢豐沭雨秋。山遮眼碧舞
風霜葉點溪紅。老農植杖來相問。藉草高談夕
照中。

遣興示子賢

安貧萬事祇隨緣。羞澀囊空乏一錢。濁酒難賒
應有恨。焦琴屢興已無絃。飯盂抄雪惟求飽。茗
盃翻濤喜自煎。錦里先生有詩卷。破愁時誦兩
三篇。

傳巖居士挽詞

夢寐江湖僅十年。桑榆投老遁林泉。知人襟抱
藏英鑒。竒我風標喚謫仙。妙論粲花今已矣。遺
編憂玉尚依然。桐焦里巷知音少。幾對雲齊欲
斷絃。

龍涉傳巖有感簡朝宗

招提清曠竭來遊。潑墨嵐光眼界幽。黃絹碑亡
思子禮。碧雲詩好憶湯休。風簷日送書空雁。煙
塢愁聞喚雨鳩。銷爍睡魔澆茗盃。桐窓拾得一

枝秋

陳欽若時寓盤龍作詩寄之因紀吟咏之美

凜凜冰霜嚼齒牙沈沈清夜詠簷花
摩雲氣逸千星斗落紙詞妍帶綺霞
醉掃麝煤奔渴驥困紆象管引秋蛇
擬尋紅樹賡詩社却日揮戈不許斜

讀傅巖居士舊詩軸有感

黃鵠凌雲不可尋遺音流落感人心
朱顏綠髮留難駐明月清風古到今
韞櫝有時驚玉璞絃無地置牙琴
傅巖蕭瑟傷心處一局文楸鎖竹林

朝宋見和復自韻謝之

拾得佳篇奉賀門鸞牋重錄教諸孫
清于月夕瀟湘水淡似清秋太華原
發藥例雖霑賸馥鈎深應寡與玄文
何時紅樹尋詩社琢句令傾灑灑樽

歸途遣興借朝宋韻簡敦仁

緩着歸鞭水石鄉。息鞍箕踞小橋傍。煙滋竹葉
雙叢玉。秋着蘆花一畝霜。潑眼溪山增爽氣。襲
人蘭蕙破幽香。擬提吟筆扛洪鼎。反笑蚍蜉不
自量。

自鷺橋復用前韻

旗亭解轡詠江鄉。屬玉雙飛綠澗傍。水墨園林
初過雨。青黃橙橘未經霜。鼎烹雲液澆腸爽。甕
撥春醅破鼻香。回首謾驚煙水遠。向來清味怯
思量。

和題道筠軒有作

欲引秋聲竹旋移。吟煙時一啓柴扉。了無俗狀
到公眼。每有輕風襲客衣。地癖不知炎暑老。身
閒潛覺道心微。茫茫塵事俱臧穀。羞偶閭閻較
是非。

和世弼蓼花

粧點千叢蘸碧流。寧甘淡泞對清秋。白蘋許共
搖風細。黃菊欣同占景幽。羞世異香招舞蝶。獨
施繁艷伴漁舟。慵騰醉眼牽情處。贏得淒涼一

段愁

謝人惠紫竹杖

王猷珍重惠龍孫。策險扶危價莫論。爛醉懸錢過酒肆。狂吟步月打僧門。虚心尚有凌雲操。勁節元無染淚痕。寄語香山居士道。朱藤從此未爲尊。

和前韻紀登高醉中景示世弼諸友

芳晨秋興浩無涯。結客凭高酒旋賒。送日喜觀雲縹緲。狂歌誰顧帽欹斜。笑他子美看茱實。更

學樊川插菊花。競說今年幸逢閏。再期携手躡

煙霞

和子賢對景有感次九日韻

醉撥春雲一甕香。潛欣積雨破秋陽。燈龕宜入詩書府。錢杖慵吟水石鄉。忘慮不斑潘岳鬢。養恬難斷廣平腸。賞音誰謂無蕭穎。時綴雄文弔戰場。

世弼原上晚望和韻見寄因復之

綠消暮靄滿空秋。念遠凭高隴上遊。一片孤雲

歷代詩選 卷四十九 三
生遠岫數聲哀雁落寒流風前無緒愁聞笛天
際何人誤識舟步月可尋巖下叟試將圓玉鎖
神頭

其二

鳩杖吟行笑撥雲爭疑賈島是前身名高鄭谷
耕煙叟樂過嚴灘釣月人俯聽鳴蛩爭唧唧潛
窺宿鳥各親親田家有秫俱籩酒乘興何妨徧
訪隣

州學貴中庭上作

漠漠陰凝水墨天雨絲成陣拂窗前千層疊嶂
籠輕靄一帶澄江鎖淡煙歸思似雲空散亂名
蹤如葉尚留連當時錯笑悲風賦今日閒愁頓
默然

秋日居山

振衣拂曉啓松扃月淡風輕酒頓醒密竹含煙
爭滴翠幽蘭浥露遠聞馨清憐高潔蟬嘶柳閒
羨優遊鹿食苹試枕碧流端洗耳白雲深處誦
黃庭

其二

一抹輕煙鎖遠山。眼封瀟灑脫塵寰。投林宿鳥
相呼喚。出草飛螢自往還。吟擬停杯邀月飲。醉
斲支枕伴雲閒。因風拾得新詩句。獨倚高梧笑
解顏。

寄良臣

耳冷清談倏半年。渴心如憶嶺頭泉。自慙託迹
多南北。無復從遊學聖賢。莫謂早飛同斥鷃。已
全高潔慕鳴蟬。荒涼不厭幽居趣。假道何妨試

着鞭

督德秀還酒會

綠鎖窓前聚首時。戲彈圓玉偶輸機。俯觴旣欲
携紅袖。送酒何妨遣白衣。酪酏預期歸倒載。從
容端約話玄微。揮戈直使頽陽却。不計西風隱
半歸。

臨川戲留友人

山童澤涸欲金流。小雨簾纖陡變秋。河朔飲徒
方快意。鱸魚歸興不如休。歌姝况有飛瓊侶。結

客當爲擲果遊。一曲陽關腸斷盡。未應聞此不
遲留。

子賢和韻見酬次答之

詩名浪得在盧前。器識慙非叔度賢。捉月笑他
吟采石。凌雲端欲賦甘泉。發硎喜淬衝牛劍。啓
齒羞談使鬼錢。平世未應徒爾爾。行藏終與古
人肩。

和子賢夏日晚望

溪山潑墨水雲秋。似綺餘霞次第收。燦燦拒霜

鋪蓼岸。雙雙屬玉舞蘋洲。杳無錦字來憑雁。擬
滅機心試狎鷗。望裏碧雲還又合。數峯江上忍
擡眸。

朝宋以詩贈行和酬二篇。一以留別。一以

謝詩

漱醪常共醉琳琅。魚目慙遊漲海傍。琴聽雅音
彈碧玉。鼎分靈劑煉玄霜。纏腸錦繡篇章麗。入
室芝蘭燕寢香。欲別未應徒爾爾。鵬程萬里事
難量。

歷代詩選 宋國朝御覽 卷五
鍛鍊新詩摘錦囊筆驅秀麗汝川傍氣橫阿劔
疑干斗韻入豐鍾必待霜適勁狂揮毛穎疾淋
漓醉掃麝煤香珠璣喜就鮫人乞收拾端期百
斛量

輕風破暖

單衣初試輕寒退嫋嫋軟風襟袖快層樓高捲
酒旗斜綺陌亂飄花錦碎多情故把惱人腸楊
柳陰中弄暗香解貂不惜換斗酒爛醉春光能
幾場

杜宇啼紅

蜜脾香滿青春暮寂寂空山聞杜宇啼紅泣綠
怨東風錦城舊恨懷千古可堪腸斷對樽前雄
圖未遂愁無邊賴有提壺勸我飲起舞從教落
醉缸

喜雨

北窗支枕夢初回風掠餘香特地來顛倒衣裳
望池上荷花無語爲誰開

其二

楊柳藏鴉。菡萏香。水亭風榭。襲羅裳。秋光正入
詩人眼。剩得餘篇。付錦囊。

歸自臨川途中感物遇事得八絕句寄秀

美

信馬沿堤。懶着鞭。不堪回首。望臨川。滿懷離恨
如春夢。愁聽林梢。斷續蟬。

其二

啾唧蛩吟。旅况凄。那堪孤枕。酒醒時。夢魂栩栩
知何處。依約幽軒。話別離。

其三

官舍月影。夢初回。一枕淒涼。眼懶開。幽恨閒愁
本無種。根苗不識。是誰栽。

有寄

情騰醉眼。漾嬌波。心印潛通。一捻多。密寄斷腸
雙麗曲。過雲須倩。雪兒歌。

和子賢途中

暫停雙槳。傍蘋洲。磯上漁翁。雪滿頭。釣破煙波
深得趣。生來不識。世間愁。

其二

索寞襟懷不奈秋。雕鑄佳句且忘憂。行行恰過
橋南路。一片蘆花映碧流。

其三

桐圭柳帶正凋疎。匹馬區區倦遠途。腸斷不堪
回首處。寒雲影裏雁聲孤。

和答國鎮

十圍便腹卧邊先。笑傲羲皇訪昔賢。詔下好須
同舊侶。槐花香裏走遊鱗。

寄游良臣

壯浪年來筆有神。詩如開府頓清新。暗中慎莫
投珠璧。道路無非按劍人。

其二

文會何時聚德星。紫芝眉宇照人清。錦韉金控
尋春馬。持酒憑花爲解醒。

石倉十二代詩選

宋詩卷之四十九終

歷代詩選

宋國朝御

北

石倉十二代詩選

宋詩卷之五十

浮溪集

宋婺源汪藻著

明後學曹學佺閱

桃源行

祖龍門外神傳壁方士猶言仙可得東行欲與
 羨門親咫尺蓬萊滄海隔那知平地有青春只
 屬尋常避世人關中日月空萬古花下山川長
 一身中原別後無消息聞說胡塵因感昔誰教
 晉鼎判東西却愧秦城限南北人間萬事愈可

歷代詩選

宋國朝御

卷五十一

一

亦西

憐此地當時亦偶然何事區區漢天子種桃辛
苦望長年

過吳明叟新居

誰開大屋沈沈者門外垂楊拂車馬主人四十
持節歸高卧綠陰啼鳥下冥冥一徑傍花入忽
有清池照深夏魚吹落日知鏡淨荷受微風看
珠瀉夫君少多湖海氣欲騁驂驪無地跨故將
能事驚世人坐向雲端差萬瓦稍培幽桂出窻
前時放青山來竹籟人言此興極不淺天遣公

忙那肯赦要湏便作輞川圖他日思歸聊對畫

同張昌時宿高明寺

幽卧不知覺窻懸寒日初矧伊夜來雨谿聲到
吾廬故人挽我出忽枉天際書躋險敢自休青
山轉籃輿相逢竹間寺共櫛園中蔬殘僧誰在
亡奄忽十載餘茗果話疇昔新晴報鐘魚東雷
亦已鳴百草茗穎舒柰何與之子齒髮日夜疎
眷此不能發牽衣更脚蹰明朝各回首世事將
焉如

次郵軍

小雨靜林麓，鷓鴣相應鳴。
移舟漾清淺，薄晚荷氣生。
歸鳥盡雙去，潛魚時一驚。
菰蒲若無人，渺渺炊煙橫。
艇子截迎我，攜魚薦南烹。
月出殊未高，踈林隱微明。
依沒會有處，斗掛天邊城。

阻風雨辟邪渡寄王仲成

渡頭急雨鳴森木，木杪顛風飛大屋。
沒胷寒水稻生芽，蒲眼青泥車折軸。
山行值雨舟值風，窮愁日日煩天公。
不如歸卧澗壑底，世事不埽春

煙空別君兩年重，此別喜君胸。
次渾水雪擬將身作賈胡留，無奈事如空。
烏城挽我不回君，怒喚交情把握轉。
清新相隨百里還，相見只有西山似故人。

避地函亭野步

今日幸無雨，天空出遙岑。
行行不知疲，遂至春江潯。
汲路轉籬落，人家在桑陰。
平疇漲清波，隴麥如人深。
溝畎戲鳧鶩，新蒲映浮沈。
我生本樵漁，對此諧初心。
風物豈不好，悲來自難任。
胡塵

歷代詩選 宋王參差 卷五十一 四
暗中原四海如驚禽黃屋符萬里兩宮隔辰參
龍移螻蛄窺月晦蟾蜍侵宇宙有傾覆茲游豈
嘔噓銷憂賴濁醪太息誰能對

庚午歲屏居零陵七月二十日以門揜候

虫秋爲韻賦五首

幽人獨夜時潮落西川根渡口櫓聲急一江煙
雨昏城頭短長更不寐聽譙門跌坐數千息焚
香待朝暾

右一

琬琰纖纖初弦月不受薄雲揜近村應漸寒已
有鴉數點

右二

人生幾聰明日夜隙駒驟纔經花信風又過麥
秋候吾非金石堅與世相邂逅胡爲聞鐘鳴更
歷路傍堦

右三

家山在何許渺渺彭蠡東人來數月程衣敝補
道中昨宵青燈花似墜釵頭虫兒女饑沈緜歲
晚書未通

右四

人言間闕者一日如三秋孤臣昔放逐七見寒

唐詩選 宋詩選 四 真

暑周早滂高門地姓名記前旒如何天鷄星不

照湘南州 右五

次韻向君受感秋二首

且欲相隨苜蓿盤不須多問沐猴冠菊花有意
浮杯酒桐葉無聲下井欄千里江山漁笛晚十
年燈火客羶寒男兒幾許功名事華髮催人不
少寬

向侯在笏意千里肯為俗彈頭上冠何時盛之
青瑣闥妙語付以烏絲欄日邊人去鴈行斷江

愁寬 一秋高楓葉寒向來叔度儻公是一見使我窮

晚發吳城山

風掃陽侯雪陣平雨催摩詰畫圖成氣吞浦溆
重林盡秋著江湖去鳥明厚祿故人無一字長
年三老伴餘生會須滿意開懷抱到眼廬山不
世情

過臨平

一別九霄路風煙長蒲衣已成身老大無復世

宋詩選 卷五十一 五

輕肥天闊鳥雙下。山寒人獨歸。曉來何似雨春
水半巖扉。

其二

睡起涼生岸。鉤簾坐小窓。麥風能起柁。梅雨不
鳴江。往事心長折。歸途影自雙。依然蒲柳地。不
待早秋降。

書寧州驛壁

過眼空花一餉休。生狂猶得佐名州。雖遭瀧吏
嗤帶子。却喜溪神識柳侯。盡日野田行穉耜。有

時雲嶠聽鈎輪。會將新濯滄浪足。踏過千巖萬
壑秋。

宿鄴侯鎮

當時踏具此長亭。髮似河堤柳色青。今日重泉
堤樹老。一簪華髮戴寒星。
微涼初破候蟲秋。露草螢光已不流。搔首與誰
論往事。星河無語下城頭。

龜山上方

度險逢幽處。憑誰寫壯懷。連甍樓絕壁。孤塔表

長淮地本吳楓接山今禹績皆潮聲從殷寺竹
影自翻堦木杪朱欄出城坳雪浪埋乾坤迷在
渚霧雨泄陰崖丹葉經寒瘦蒼洲向晚住魚龍
宵聽唳猿鳥畫窺齋月滿蹟珠寶霜清磬石諧
僧盃收栢子樵徑埽松似左宦書無鴈南烹菜
有鮭風煙欺短髮雲水信殘骸竟作何鄉老虛
慚素尚垂江湖今在眼歸合辦青鞋

醉別李高侍郎

疇昔追隨翰墨場功名今日愧劉郎英姿合上

凌煙閣巧語曾遭偃月堂雙槩又乘清夜去
樽聊發少年狂歸來却共燈花語騎省看成滿
鏡霜

漫興

晨起條然曳杖行一簾疎雨作秋清老來歲月
能多少看得栽花結子成
燕子年年入戶飛向人無是亦無非來春強健
還相見送汝將雛幾度歸

北窻

睡起無一事，怡然盼庭柯。綠陰微缺處，最得涼
颺多。

已酉亂後寄常州使君侂

汾水遊仍遠，瑤池宴未歸。航遷新廟主，矢及近
臣衣。胡馬窺天塹，邊烽斷日畿。百年還海地，回
首復成非。

古鏡行

我有辟邪鏡，得之咸陽宮。陰爲天池一母將，
九龍旁書負圖字。土蝕如灰蟲織以駁，鷄珍妙

極僮之工。請言照遠近，十里秋毫空。豈不鑒脂
澤，所貴肝胆通。問誰爲此器，太古非人功。客聞
重歎息，意欲窺靈蹤。高臺不辭倚，恐客難稱容。
繩窮匣半啓，四室來悲風。日車當晝留，羞澁如
頑銅。森然髮上指，凜若臨霜鋒。我還撫客手，此
豈世寶同。揮淚兩無言，掩鏡繫囊中。

蔡天任韻

修廊過午夕，陰合蝴蝶滿。庭春草長，呼兒更捲
簾。數尺要放晚晴，升屋梁。

歷代詩選 宋汪彥章
右浮溪文粹若干篇宋顯謨閣學士汪彥章所作彥章婺源人卜居陽羨仍以故居浮溪爲號平生著述甚富尤長于四六行世有浮溪集六十卷此特選其膾炙人口者耳南渡中興軍國多難彥章初拜掖垣掌內制大典冊多出其手當時德音所被讀者懷憤興感以比陸敬輿後生言者指爲京徽黨一斥不復起惜哉續言行錄列之名臣良有見云
宋詩卷之五十終

石倉十二代詩選

宋詩卷之五十一

石湖集

宋吳門范成大著

明後學曹學佺閱

過平望

寸碧闖高浪孤虛明夕陽水楊搯病綠霜蒲蘸
新黃孤嶼作舉網蒼煙忽鳴榔波明荇葉顫風
熟蘋花香雞犬散村落蓴鱸近江鄉野寺對客
起樓陰濯滄浪古來離別地清詩斷人腸亭前
舊時水還照兩鴛鴦

蜀州西湖

閒隨渠水來。偶到湖光裏。仍呼水月舟。徑度雲
錦地。誰云不解飲。我已荷香醉。湖陰玉嬋娟。雙
立紅妝外。何須東閣梅。悠然自詩思。驚風入午
暑。水竹含秋意。采菱不盈芻。興與葦鱸會。遙知
新津宿。魂夢亦清麗。

九月三日宿胥門始聞雁

故人久不見。乍見雜悲喜。新雁如故人。一聲驚
我起。把酒不能觴。送目問行李。曾聞行路難。空

濠千萬里。塞北多關山。江南渺雲水。風高吹汝
瘦。旅伴今餘幾。斜行不少駐。滅沒蒼煙裏。羈遊
吾亦倦。客程殊未已。扁舟費年華。短纜繫沙尾。
物生各有役。冥心聽行止。江郊匝地熟。場圃平
如砥。歸期且勿念。共飽豐年米。

曉出古城山

落月墮。耿耿星澹微。茫竹輿亂。清溪飛。益入
嵐光。松檜霧靄濕。桑麻風露香。空翠滴塵纓。何
必濯滄浪。山家亦早作。迨此朝氣涼。林深無人

聲木末炊煙蒼離離瓜芋區蕭蕭棗栗場田園
古云樂令我思故鄉墟市稍來集筠籠轉山忙
吏事亦挽我歸路盤朝陽

臨溪寺

萬山繞屹岼二水犇瀕洞亭亭林中寺金碧粲
欄棟解鞍得蒲團卧受瓦爐供少捐一炊頃誓
作百年夢無人自驚覺幽禽正清唳倦客如殘
僧無力供世用此行端爲山紫翠迭迎送漱井
出門去驚塵撲飛鞚

盤龍驛

聞雞一唱罷占斗三星沒天高月徘徊野曠山
突兀暗蛩泣草露怨亂語還咽涼螢不復舉點
綴稻花末惟餘絡緯豪悲壯段林樾小蟲亦何
情孤客心斷絕魂驚板橋穿足側石厓滑行路
如許難誰能不華髮高城漫回首疊嶂屹天闕
遙知秋衾夢千里一飄忽

寒亭

溝塍與澗合隴畝抱山轉向來六月旱此地免

歷代詩選 卷五十一
焦卷早穗已垂垂晚苗猶剪剪一川豐年意比
屋闌雞犬老農霜髮須矍鑠黃犢健自云足踏
地常賦何能免刈熟倩人輸不識長官面康年
無復事但恐社酒淺我亦有二頃收拾尚可繭
懷哉笠澤路歸鋤犁頭蘇

隱靜山

五峰抱巖扉千柱奠雲壑荒原蕞爾縣有此寶
樓閣維昔經營初衣錫化雙鶴杖頭具隻眼矯
矯雲中落尊者一笑許璇題照林薄庭楹有祖
意石泉韻天樂清簧轉碧鷄飛梭擲蒼鵠號風
飢虎怒失木啼猿愕英遊偶然同吏檄乃不惡
題名記吾曾醉墨疥丹堊

新館

露稻粘明璫風茅滾高浪荒煙暗白道行行亂
蛩響日脚午未吐雲頭晚猶漲欣此半日涼藍
輿走清曠病客不堪暑茲行天肯相蚤蚤掃無
跡秋意滿千嶂稍尋泉石盟畧褫簿書障鶴原
定相念因風報無恙

寄題向撫州采菊亭

一葉起秋色。衆綠凋歲華。耿耿霜露餘。卜此黃金葩。西風滿天地。孤芳照塵沙。慙慙開小築。花氣日夕嘉。落英楚纍手。東籬陶令家。兩窮偶寓意。豈必真愛花。不如亭中人。一笑了天涯。采采勿虛度。門前欲高牙。

古風上湯丞相

抱琴遊孔門。豈識宮與商。古曲一再行。乃雜巴人倡。知音顧之笑。解絃爲更張。歸來掩關卧。冰

清交愁腸。平生桑濮手。未省歌虞唐。明發理朱絲。復登君子堂。遺音入三歎。山高水湯湯。

刺瀆淖

瀆淖盤渦之大者。峽江水壯則有之。或大如一。一間屋。相傳水行峽底。遇暗石則瀆起。已而下旋爲窩。然亦未嘗有定處。或無故突然而作。叵測也。舟行遇水。小則欹傾。大則與齋俱入。險惡之名聞天下。

峽山饒暗石。水狀日千變。不愁灘瀧來。但畏瀆

淖見人言盤渦耳夷險顧有間仍于非時作未
可一理貫安行方熨穀無事忽翻練突如湯鼎
沸翕作茶磨旋勢迫中成窪怒霽外始暈已定
稍安慰儵作更驚眩漂漂浮沫起疑有潛鯨噴
勃勃駭浪騰復恐螫螯林篙師瞪視魄灘戶呀
雨汗逡巡怯大敵勇往決鏖戰幸免與齊入還
憂似蓬轉驚呼招竿折奔抹竹竿斷九死舡頭
爭萬苦石上牽旁觀兢薄冰撇過捷飛電前余
叱馭來山險固嘗徧今者擊楫誓豈復憚波面

澎澎三峽長颭颭一葦亂旣微掬指忙又匪科
頭慢天子賜之履江神敢吾玩但催疊鼓轟往
助雙檣健

中巖

赤巖倚蛉岬翠邏森戍削岑蔚嵐氣重稀間暑
光薄聊尋大士處往叩洞門鑰雙撐紫玉闕中
矗翠雲幄應供華藏海歸坐寶樓閣無法可示
人但見雨花落不知龍湫勝何似魚潭樂夜深
山四來人靜天一握驚看松桂白月影到林壑

歷代詩選 卷之九 門前六月江世界塵漠漠寶餅有甘露一滴洗
煩濁捫天援斗柄請爲諸君酌

鐸紫

吊史祿祠因
懷李師中

導江自海陽至縣迺瀾迤狂瀾旣奔傾中流遇
鐸紫分爲兩道開南漓北湘水至今舟楫利楚
粵徑萬里人謀效天造史祿所經始無謂秦無
人虎鼠用否耳紫藤纏老蒼白石溜清泚是聞
可作社牲酒百世祀脩廢者誰歟配以臨川李

秋日雜興

夕陽下桑柘餘暉挂西山西山在何許冉冉紫
翠間綵雲無朝昏綠蘿竟暄寒昔與霞上人同
跨雙飛翰上凌紫霄峰下弄白石湍風吹墮眇
莽及此行路難佳人應望余興豈直忘還

寒食郊行書事二首

野店垂楊步荒祠苦竹叢鷺窺蘆箔水鳥啄紙
錢風媼引濃妝女兒扶爛醉翁深村時節好應
爲去年豐

隴麥欣欣綠山桃寂寂紅帆邊漁斲浪木末酒

歷代詩選 宋范致能
旗風信步隨芳草。迷途問小童。賞心添脚力。呼
渡過溪東。

宿義林縣院

暝氣昏如雨。禪房冷似冰。竹間東嶺月。松杪上
方燈。驚鶻盤金刹。流螢拂玉繩。明朝窮脚力。連
夜斬崖藤。

十月朔客建鄴不得兄弟上冢之列悲感
成詩

歲已看成暮。身今未得歸。風塵孤淚盡。霜露寸
心違。南澗新流水。西山舊落暉。煙松應好在。宿
草定成非。逝水方東去。浮雲浪北飛。危魂先自
斷。不待更沾衣。

擬古

彎環樓前月。掩仰樓上人。人月不得語。相看兩
凝顰。西窗回紋機。織徧金字春。聊可自持玩。何
由將寄君。

春思

沙際菰蘋滿。樓前芳草多。光風入網戶。羅幕生

歷代詩選 卷五十一
繡波前年花開憶湘水去年花開淚如洗園樹
傷心三見花依舊銀屏夢千里

田舍

呼喚携鋤至安排築圃忙兒童眠落葉烏雀噪
斜陽煙白村聲遠林青野氣香樂哉今歲事天
末稻雲黃

夜發崑山

歲寒人墮戶霜重獨登舟弱檣搖孤夢疎篷蓋
百憂但吟今不樂寧計幾宜休漸愧沙湖月年

薄遊

清明日狸渡道中

灑灑霑巾雨披披側帽風花筵山色裏柳卧水
聲中石馬立當道紙鳶鳴半空墻間人散後烏
鳥正西東

次韻溫伯城上

閉戶成癡坐扶藜得意行樓臺浮霽色市井碎
春聲雪盡小橋出煙消千嶂生病多無脚力遙
羨落鴻輕

湘潭道中詠芳草

積雨倏然晴，秀野若新沐。芳草徑寸姿，中有不勝綠。萋萋路傍情，頗亦念幽獨。驅馬去不顧，腸斷招隱曲。

耳鳴戲題

歷歷從何起，泠泠與耳謀。人言衰相現，我以妄心求。遠磬山房夜，寒蛸隴樹秋。圖通無別法，但自此根脩。

安鄉縣西晚泊

水澗烏鳥倦，墟寒童僕飢。一灣村縣過，百折暮江遲。曉夢孤燈見，春陰病骨知。簡書寧不畏，旅食奈先疲。

火墨坡下嶺

清晨入岑蔚，嵐重寒颼颼。忽聞黃鸝語，方悟麥始秋。旅食法當瘦，遠行人所愁。况復深山中，不與叶氣遊。苦辛那敢憚，病悴良可憂。徒憂亦無益，聊作商聲謳。

秭歸縣

廬山詩選
分卷
永日貪程客長年弔古詩悲秋荒古宅負石慘
空祠峻壁鴉翻倦高畚麥秀遲窮山熊繹國偏
仄建邦時

蟠龍嶺

夷陵至胸臆複嶺如絲亂初程尚勇往少日還
委頓安得長劔揮盡削疊嶂斷雖云北山愚聊
快南溟運此意竟蕭索勞歌謾淒曼日日望平
陸方爲到彼岸

其二

人言束馬險但欠蟠龍峻摧頽強弩末閔勉焚
舟戰譬如已償逋猶有未折券山根治曉裝峰
頂寄朝飯稍脫虬瘴染還探虎窠玩性命及可
憂筋力何足算

金山嶺

阪峻身頓偃崖深首屢回雲浮平地出路拂半
天來但指關山過都忘歲月催湘南初上馬猶
插早春梅

巴蜀人好食生蒜臭不可近頃在嶠南其

人好食檳榔合蠟灰無留藤一名萋藤
食之輒昏然已而醒快三物合和唾如
膿血可厭今來蜀道又為食蒜者所薰

戲題

旅食諳殊俗堆坪駭異聞南飡灰薦蠟巴饌菜
先葷幸脫萋藤醉還遭胡蒜薰絲葍香味好歸
夢水連雲

題戲索橋

織篔勻鋪百排繩疆架空染人高曬帛獵戶遠

張量薄薄難承雨翻翻不受風何時將蜀客東
下看垂虹

新津道中

雨後郊原淨村村各好音宿雲浮竹色清溜走
橙陰曲沼擎青蓋新田蕪綠針江天空濶處不
受暑光侵

長風沙

夕陽明遠帆高浪兀孤嶼綿綿淮山來閃閃沙
鳥去落木兩三家炊煙南北渡眉伸擊汰行夢

歷代詩選
卷五十一
三
愕阻風處

上方寺

機棹古銷夏楫新上方珠灣銷圓折水鏡沈
空光楓纈醉晴日橘黃明早霜開門松竹逕隨
處有清涼

浙東舟中

處處槿樊圃家家桃蕪門魚鹽臨水市煙火隔
江村雨過張帆重潮來汲井渾彎跽短篷底休
說兩朱轡

春晚卽事留游子明王仲顯

繡地紅千點平橋綠一篙棟花來石首穀雨熟
櫻桃笑我生塵甌慙君着緼袍故人能少駐門
徑久蓬蒿

道中

月冷吟蛩草湖平宿鷺沙客愁無錦字鄉信有
燈花蹤跡隨風葉程途犯斗槎君看枝上鵲薄
暮亦還家

晚春

歷代詩選 宋詩卷前
靜極聞簷珮。慵來愛枕幃。隙虹飛永晝。簾影碎
斜暉。燕踏花枝語。蜂縈柳絮歸。輕颺宜白紵。時
節近清微。

其二

好事憐春老。無愁耐日長。爐煙驚扇影。酒向舞
花光。照水雲容嬾。移牀竹意涼。更煩紅槿幅。促
拍打山香。

天都峯

維帝有下都。作鎮此南國。孤撐紫玉樓。橫絕大
霄碧。晶瑩砂竇紅。天矯泉紳白。晴雲無盡藏。竟
日裊幽石。諸峯三十五。離立侍傍側。會稽眇小
哉。請議職方籍。

次韻唐子光席上賞梅

玉枝橫斜照。清空纖手撚。香俱惱公。水部無人
廣平去。後來我輩猶。情鍾誰噴。昭華送愁絕。叫
雲三弄怨。斜月徑須踏。雪問前村。莫待馬蹄如
踏鐵。春風壓盡百華橋。尊前仍有董嬌嬈。惜無
楚客歌成調。空着蕭郎眼似刀。

癸亥立春泊舟吳會亭

去年春盤游江驛。湛湛清波動浮石。今年春盤
吳會亭。冥冥細雨濕高城。天邊作客風沙裏。去
年今年成老矣。客心古井冷如水。憶昔三生任
翠微。偶來平地着征衣。山中故人應大笑。扁舟
坐穩何當歸。

後催租行

老父田荒秋雨裏。舊時高畝今江水。傭耕猶自
抱長飢。的知無力輸租米。自從鄉官新上來。黃

紙放盡白紙催。買衣得錢都納却。痛骨雖寒聊
免縛。去年衣盡到家口。大女臨岐兩分首。今年
次女已行媒。亦復驅將換升斗。室中更有第三
女。明年不怕催租苦。

次韻陳季陵寺丞求歛石肩子硯

金星熒熒肩子綠。婺源琢石如琢玉。寶玩何曾
抹枵腹。但愛文君遠山蹙。丈人筆陣森五兵。書
品入妙仍詩名。我有坡陀天海樣。與公文字俱
金聲。梟盧一擲不須呼。况敢定價論車渠。只煩

歷代詩選 宋詩卷之五 五
將到粧臺下試比何如京兆畫

次韻李陵貢院新晴

鎖闥令嚴深復深五星簾幕晴若陰澹雲微月
謾清夜短檠政自關人心看燈作暈生睡色江
南行處夢不隔覺來快讀新晴篇恍然賓我鶯
花前徑欲觴公後堂酒儻煩春衫小垂手

重遊南嶽

捨舟得馬如馭氣步入青松三十里我從蠻嶺
瘴煙來不怕雨雲埋嶽趾憶昔南征疑廟庭往

來無恙神所祉當時已有歸田願帝臨此心如
白水煌煌南正館于東手握八觚溫玉璽駿奔
瀟霍左右輔好生不殺扶炎紀崇禋竣事曉壇
空躋攀小試青鞵底不知雲磴幾千丈但見漫
山白虎尾石頭招我上南臺瑞應闌干天半倚
福巖鐘聲過橋來髣髴三生如夢裏堂中尊者
已先去苔鎖巖扉何日啓竹嫌磽确老愈瘦松
畏高寒蟠不起癯儒尚病怕深登幽討未窮行
且止我評七十二高峯鬱律穹隆少觀美儼然

歷代詩選 卷五十一
可瞻不可玩，徃徃雄尊如負屨。乃知嶽鎮蓋深
厚，不與他山爭秀偉。區區獻狀眩兒童，乳洞淡
巖真戲耳。

巫山高

余舊嘗用韓無咎韻題陳季陵巫山圖。考宋
玉賦意，辨高唐之事甚詳。今過陽臺之下，復
賦樂府一首。世傳瑤姬爲西王母女，嘗佐禹
治水，廟中石刻在焉。

濕雲不收，煙雨霏峽。船作灘，稍廟磯。杜鵑無聲，
猿叫斷。惟有飢鴉迎客飛。西真功高，佐禹跡斧
鑿。鱗皴倚天壁。上有寶簪十二尖。下有黃湍三
百尺。蔓花蚪木風煙昏。蘚佩翠帷香。火寒靈旂
飄忽定。何許時有行人開廟門。楚客詞章元是
諷。紛紛餘子空嘲弄。玉色頽顏不可干。人間錯
說高唐夢。

離堆行

殘山狼石雙虎卧。斧跡鱗皴中鑿破。潭淵油油
不敢唾。下有猛虎踞鐵鎖。自從分流注石門。西

州秔稻如黃雲封羊五萬大作社春秋伐鼓蒼
煙根我昔官稱勸農使年年來激西江水成都
火米不論錢絲管相隨看蠶市欵門得得酬清
尊椒漿桂酒剛羶葷妄欲一語神豈聞更願愛
羊如愛人

毛公壇福地

松蘿滴翠白晝陰七十二峯中最深綠毛仙翁
已仙去惟有石壇留竹塢竹陰掃壇石槎牙漢
時風雨生蘚花山中笙鶴尚遺響湖外人煙驚
歲華道人眸子照秋色邀我分山築丹室驅丁
役甲莫兒嬉渴飲隱泉飢餌木

燈市行

吳臺今古繁華地偏愛元宵影燈戲春前臘後
天好晴已向街頭作燈市疊玉千絲似鬼工剪
羅萬眼人力窮兩品爭新最先出不待三五迎
東風兒郎種麥荷鋤倦偷閒也向城中看酒爐
博塞雜歌呼夜夜長如正月半災傷不及什之
三歲寒民氣如春酣農家亦幸荒田少始覺城

中燈市好

湘口夜泊南去零陵十里矣營水來自營
道過零陵下湘水自桂林之海陽至此
與營會合爲一江

我從清湘發源來直送湘流入營水故人亭前
合江處暮夜檣竿矗沙尾却從湘口望湘南城
郭山川悅灘紀萬壑千巖詩不徧惟有蒼苔痕
屐齒三年瘴霧亦竒絕浮世登臨如此幾湖南
比色夾山來無復搖簪插天起坡陀狼石蹲清
澹澹蕩光風浮白芷騷人魂散若爲招傷心極
目春十里我亦江南轉蓬客白鳥愁煙思故里
遠遊雖好不如歸一聲鶗鴂花如洗

代聖集贈別

一曲悲歌水倒流樽前何計緩千憂事如夢斷
無尋處人似春歸挽不留草色粘天鶗鴂恨雨
聲連晚鷓鴣愁迢迢綠浦帆飛去今夜新晴獨
倚樓

二月三日登樓有懷金陵宣城諸友

歷代詩選 卷之五 五
百尺西樓十二欄。日遲花影對人閒。春光已入
片時夢。寒食從今數。日間折柳故情都。望斷落
梅新曲與愁關。詩成欲訪江南便。千里煙波萬
疊山。

南徐道中

半生行路與心違。又逐孤帆擘浪飛。吳岫湧雲
穿望眼。楚江浮月冷征衣。長歌悲似垂垂淚。短
夢紛如草草歸。若使一塵供閉戶。肯將青雀易
柴扉。

立春日郊行

竹擁溪橋麥蓋坡。土牛行處亦笙歌。麴塵欲暗
垂垂柳。醅面初明淺淺波。日滿縣前春市合。潮
平浦口暮帆多。春來不飲兼無句。奈此金旛綵
勝何。

餘杭道中

落花流水淺深紅。盡日帆飛繡浪中。桑眼迷離
應欠雨。麥鬚騷殺已禁風。牛羊路杳千山合。雞
犬村深一徑通。五柳能消多許地。客程何苦鎮

忽忽

陳侍御園坐上

愁眼逢歡春水明詩情得酒春雲生花稍蝴蝶
作團去竹裏鶉鳩相對鳴邂逅浮生此日好纏
綿俗累何時輕擘牋沫墨之奇句壓笛當年慙
妙聲

夜宴曲

金麟噴香煙龍蟠玉燈九枝青闌干明瓊押帶
湘簾斑風幃繡浪千飛鸞舞娥紫袖如弓彎雲
中一笑天解顏銜杯快卷玻璃乾花樓促箭春
宵寒二十五聲宮點闌

田家留客行

行人莫笑田家小門戶雖低堪灑掃大兒繫驢
桑樹邊小兒拂席軟勝瓊木臼新春雪花白
炊香飯來看客好人入門百事宜今年不憂蚕
麥遲

倦繡

獨兒弄暖綠堦走花風薰人濃似酒困來如醉

歷代詩選 宋詞卷前
三
復如愁不管低鬟釵燕溜無端心緒向天涯
見檣竿幡脚斜槐陰忽到簾旌上遲却尋常一
線花

病中夜坐呈致遠

似霧如煙氣夜浮鶴鳴驚睡起搔頭含風竹影
淡留月着雨蛩聲深怨秋萬事心空癡已慣百
骸歲晚病相收便當采藥西出去病足蹒跚怕
遠遊

嶺上紅梅

霧雨臙脂照松竹江南春風一枝足滿城桃李
各嫣然寂寞傾城在空谷城中惟解惜娉婷遊
子路傍空復情花不能言客無語日暮清愁相
對生

天平先隴道中時將赴新安掾

霜橋冰澗淨無塵竹塢梅溪未放春百疊海山
鄉夢熟二年江路旅愁新松楸永寄孤窮淚泉
石終收漫浪身好在隣翁各安健歸來相訪說
情真

積雨蒸潤體中不佳頗思故居之樂戲書

呈子文

門外泥深蘸馬鞍墨雲未放四羅寬前山忽接
後山暗暑雨全如秋雨寒夢裏江湖三歎息醉
中天地一憑欄斗升留滯休惆悵枳棘從教着
鳳鸞

趙聖集誇說少年俊遊用前韻記其語戲
之

京塵紅軟撲雕鞍年少王孫酒量寬倚袖竹風

憐翠薄捧杯花露怯金寒黃雲城上栖烏曲綠
水地邊鬪鴨欄別後相思惟故物壁煤侵損扇
中鸞

送吳智叔檢詳直中祕使闕

抗章襍被豈公難已說高風立懦頑客路莫嫌
河畔草直廬須愛道家山秋生蓮浦船初泛春
滿茶谿騎趣還却訪故人西府舊定煩書札墮
田間

送陳朋元赴溧陽

酒泉

次韻許季韶通判雪觀席上

把酒臨風瑞露傾。瓊漿何用謁雲英。捲簾雨脚
銀絲掛。倚杖江頭綠漲生。嶺海一涼蘇暑病。山
林千籟試秋聲。茲遊竒絕忘州宦。慚愧煙中短
棹橫。

甲午歲朝寓桂林。記去年是日泊桐江。謁

嚴子陵祠。迤邐度嶺。感懷賦詩。

去年春纜解江臯。也把屠蘇泛濁醪。一席飽風
漁浦濶。千山飛雪釣臺高。將軍老矣孤鳴劍。客
子歸哉詠大刀。早晚扁舟尋舊路。柁樓吹笛破
雲濤。

題湘山大施堂

重倚春林淚竹枝。南遊風物鬢成絲。難尋桂海
千峯夢。更了湘山一段竒。來去別無心外法。行
藏休問塔中師。若論大施門前事。竿木逢場且
賦詩。

將至公安

前村後村啼杜宇，伴人憂煎與人語。雲寒日薄春一夢，地濶天低淚如雨。我馬虺隤我僕痛，豈不懷歸畏簡書。公安縣前酒可沽，不如且聽提葫蘆。

入秣歸界

山根繫馬得漿家，深入窮鄉事可嗟。蚯蚓惹人能作瘴，茱萸隨俗強煎茶。幽禽不見但聞語，野草無名都着花。窈窕崎嶇殊未艾，去程方是問三巴。

峽石舖

峯頭壁立偉天造，萬雉石城如帶繞。山骨鱗皴火種難，山下流泉却宜稻。新秧一稜綠茸茸，茄花先秋雪搖風。后皇嘉種不易熟，野草何爲攙歲功。

別後寄題漢嘉月榭

隱吏詩情卜築幽，同年惜別勸淹留。試傾萬景湖亭酒，來看半輪江月秋。川路雖長猶共此，夜舡空載且歸休。碧巖勝處頻回首，好事誰能更

小樓

婆羅平

仙聖飛行此是家。路逢真境但驚呀。神農嘗外
盡靈藥。天女散餘多異花。嵐雨逼衣寒似鐵。冰
泉炊米硬如沙。峯頭事事殊塵世。缺甃跳梁笑
井蛙。

鄂州南樓

誰將玉笛弄中秋。黃鶴飛來識舊遊。漢樹有情
橫北渚。蜀江無語抱南樓。燭天燈火三更市。搖
月旌旗萬頃秋。却笑鱸鄉垂釣手。武昌魚好便
淹留。

東林寺

談易繙經宰木春。三生猶自裊煙熏。客塵長隔
虎溪水。劫火不侵香谷雲。老矣懶供蓮社課。歸
哉欣讀草堂文。山頭一任天燈現。箇事何曾落
見聞。

再渡胥口

古來此地快蓬心。天繞明湖日照臨。一雁雲平

歷代詩選 先范致簡 三
時隱見兩山波動對浮沈衰髯都共荻花老醉
面不如楓葉深罾戶釣徒來問訊去年盟在肯
重尋

次韻虞子建見哈贖帶作醮

兒女傳觀省見稀病身聊復惜光輝莫嫌憔悴
沈腰瘦且喜間關秦壁歸不是典來還酒債亦
非將去換蓑衣塵魚甌釜時相阨微汝誰能爲
解圍

題夫差廟

縱敵稽山禍已胎垂涎上國更荒哉不知養虎
自遺患只道求魚無後災夢見梧桐生後圃眼
看麋鹿上高臺千齡只有忠臣恨化作濤江雪
浪堆

青城山何子方使君同年園池

橙塍芋壠意中行浩蕩薰風不計程兩脚背人
歸玉壘江聲隨馬入青城五橋今日新知路千
佛當年舊綴名水竹光中同一笑丐君荷露濯
塵纓

續長恨歌四首

金盃瀲灩曉粧寒。國色天香勝牡丹。白鳳詔書
來已暮。六宮鉛粉半春闌。
紫微金屋閉春陽。石竹山花却自芳。莫道故情
無覓處。領巾猶有隔生香。
驪山六十二高樓。突兀華清最上頭。玉羽川長
湘浦暗。玉郎無事更神遊。
帝鄉雲馭若爲留。八景三清好在不。玉笛不隨
雙鶴去。人間猶得聽梁州。

看恐卷

題山水橫看二首

煙山漠漠水漫漫。老柳知秋渡口寒。盡是西溪
腸斷處。憑君將與故人看。

霜入丹楓白葦林。橫林平遠暮江深。君看雁落
帆飛處。知繫秋風故國心。

浙江小樓春日

客裏無人共一杯。故園桃李爲誰開。春潮不管
天涯恨。更捲西興暮雨來。

初夏

晴絲千尺挽韶光。百舌無聲燕子忙。永日屋頭
槐影暗。微風扇裏芰花香。

曉行

篝燈驛吏喚人行。寥落星河向五更。馬上誰驚
千里夢。石頭岡下小車聲。

春曉卽事

屋頭清樾暗荆扉。紫萼甚爛斑翠筴肥。春晚軒窗
人獨困。日長籬落燕雙飛。

晚春三首

陰陰垂柳閉朱門。一曲闌干一斷魂。手把青梅
春已去。滿城風雨怕黃昏。

客去筠窓詠小詩。遊絲掩亂柳花稀。微風盡日
吹芳草。蝴蝶雙雙貼地飛。

夕陽槐影上簾鉤。一枕清風夢昔遊。夢見殘塘
春盡處。碧桃花謝水西流。

題城山挂月堂壁

百疊煙鬟得眼明。坐來心跡喜雙清。秋陽滿地
西風起。猶有啼鶯四五聲。

題畫卷

欹傾棧路繞山明，隔壠人家犬吠聲。
無限白雲堆去路，不知誰識許宣平。

晚潮

東風吹雨晚潮生，疊鼓催船鏡裏行。
底事今年春漲小，去年曾與畫橋平。

碧瓦

碧瓦樓頭繡幕遮，赤欄橋外綠溪斜。
無風楊柳漫天絮，不雨棠梨滿地花。

晚步

排門簾幕夜香飄，燈火人聲小市橋。
滿縣月明春意好，旗亭吹笛近元宵。

橫塘

南浦春來綠一川，石橋朱塔兩依然。
年年送客橫塘路，細雨垂楊繫畫船。

夜歸

竹輿伊軋走長街，掠面風清醉夢迴。
曲巷無聲門戶閉，一燈還照酒爐開。

斑騅

斑騅別後月纖纖。門外疎桐影畫簾。留下阿憐將不去。西風吹入兩眉尖。

自天平嶺過高景庵

卓筆峯前樹作團。天平嶺上石成關。綠陰匝地無人過。落日秋蟬滿四山。

高景山夜歸

伊軋籃輿草露間。夜深林月覆孱顏。忽逢陂水明如鏡。照見沈沈倒影山。

袞中道中

虎嘯狐鳴苦竹叢。魂驚終日走蒙茸。松林斷處前山缺。又見南湖數十峯。

遊寧國奉聖寺

松梢臺殿鬱高標。山轉溪迴一水朝。不惜褰裳呼小渡。夜來春漲失浮橋。

道見蓼花

秋風嫋嫋露華鮮。去歲如今刺釣船。歛縣門西見紅蓼。此身曾在白雲邊。

桐廬

濕雲垂野澹疎林十日山行九日陰梅子弄黃
應要雨寧知客路已泥深

次韻馬少伊郁舜舉寄示同遊石湖詩

四首

鏡面波光倒碧峯半湖雲錦萬芙蓉去年蕩槳
香風裏行傍石橋花正濃

紅皺黃團熟暑風甘瓜削玉藕玲瓏身謀已落

園丁後滿帽京塵日正中

得得來題小隱詩拂花索柳畫船移湖邊好景

春猶未須到秋清月滿時

瀟灑王郎亦勝遊今年何事阻清遊當家風味

今如此孤負山陰夜雪舟

社日獨坐

海棠雨後沁燕脂楊柳風前撚綠絲香篆結雲

深院靜去年今日燕來時

春日三首

藥欄花暖小猗眠雪白晴雲水碧天煮酒青梅

寒食過夕陽庭院鎖鞦韆
西窗一雨又斜暉睡起薰籠挽夾衣莫放珠簾
遮洞戶從教燕子作雙飛
雙鯉無書直萬金畫橋新綠一篙深青蘋白芷
皆愁思不獨江風動客心

虞姬墓

劉項家人總可憐英雄無策庇嬋娟戚姬葬處
君知否不及虞兮有墓田

宜春苑

狐塚糞蹊滿路隅行人猶作御園呼連昌尚有
花臨砌腸斷宜春寸草無

秦樓

攔街看幕似春遊斑犢雕車碧畫油奚女家人
稱貴王縷金長袖倚秦樓

叢臺

憑高閱士劍如林故國風流變古今絃服雲仍
猶左社叢臺休恨綠蕪深

臨洛鎮

歷代詩選 宋詩 卷五十一
竟日霜寒暮解圍融融桑柘染斜暉北人爭勸
臨洛酒云是棚頭得免歸

安肅軍

從古銅門控朔方南城煙火北城荒臺家抵死
爭塘灤滿眼秋蕪襯夕陽

盧溝

草草輿梁枕水坻忽忽小駐濯漣漪河邊服匿
多生口長記輶車放雁時

燕賓山

六日朝天種落驪也將佳節勸盃盤苦寒不似
東籬下雪滿西山把菊看

初見山花

三日晴泥尚沒鞵幾時風雨過年華湘棗二月
春纔到恰有山櫻一樹花

與鄭少融趙養民二使者訪古訾家洲歸

憇松間二君欲助力興廢戲書此付長
老善良以當䟽頭

飄飄竹雨潤輕裘嫋嫋松風繫小舟安得從容

與廢手越人重上訾家洲

羅江

嶺北初程分外貪，驚心猶自怯晴嵐。如何花木
湘江上，也有黃茆似嶺南。

清湘驛送王柳州南歸一絕

南歸北去路茫茫，不是行人也斷腸。可惜湘江
春夜月，落花時節照離觴。

泊衡州

客裏仍哦對雨吟，夜來星月曉還陰。空江十日

無春事，船到衡陽柳色深。

九盤坡布水

莫惜縈迴上九盤，洗心雙瀑雪花寒。野翁酌水
煎茶獻，自古人來到此難。

四十八盤

詰曲不前如宦拙，欹傾當面似交難。若將世路
比山路，世路更多千萬盤。

入崇德界

桑間三宿尚回頭，何況三年濯錦遊。草草郟筒

歷代詩選
中酒處不知身已在彭州

最高峯望雪山

大面峯頭六月寒神燈收罷曉雲班浮空忽湧
三銀闕云是西天雪嶺山

宋玉宅

悲秋人去語難工
落空山草木風猶有市人
傳舊事酒壚還在宋家東

鉤夏灣

蓼磯楓岸放離宮
一曲清漣九里風縱有暑光

無着處青山環水水浮空

與現壽二長老遊壽泉因話去年秋屋之

遊題贈

何方錫杖斲清甘天遣深源壽此庵金曆萬枝
浮倒影爲君題作菊花潭

松風放浪入雲關二衲相從一士閒人與瘦筇
俱老健去年今日在包山

元夜大風雨一絕

東風無賴妬華年一夜凄寒到酒邊放盡珠簾

歷代詩選 卷五十一
遮寶炬莫教簷雨濕青煙

三江亭觀雪

陰山陽朔雪中廻行到天西玉作堆乘興却遊
東海上白銀宮闕認蓬萊

鰻井

鍊甃神通未易論雨聲留客夜翻盆不辭客路
春泥滑且足秧田舊水痕

元日馬上絕

泥絮心情雪樣髯詩囊羞澀酒盃嫌年來萬事

都消減惟有牀頭曆日添

元夕

粉痕紅點萬花攢玉氣枝光寶月團簾箔通明
香似霧東風無處着春寒

石湖芍藥盛開向北使歸過維揚時買根
栽此因記舊事

竹西歌吹荻花秋遺老垂洟送遠遊羌笛夜闌
吹出塞當年如此夢揚州

春日田園雜興

柳花深巷午雞聲桑葉尖新綠未成坐睡覺來
無一事滿窗晴日看蠶生

高田二麥接山青傍水低田綠未畊桃杏滿村
春似錦踏歌椎鼓過清明

社下燒錢鼓似雷日斜扶得醉翁迴青枝滿地
花狼籍知是兒孫鬪草來

吉日初開稻種包南山雷動雨連宵今年不欠
秧田水新漲看看拍小橋

晚春田園雜興

三旬蠶忌閉門中隣曲都無步往蹤猶是晚晴
風露下採桑時節暫相逢
烏鳥投林過客稀前山煙暝到柴扉小童一棹
舟如葉獨自編欄鴨陣歸

夏日田園雜興

梅子金黃杏子肥麥花如雪菜花肥日長籬落
無人過惟有蜻蜓蛺蝶飛
黃塵行客汗如漿少住儂家漱井香借與門前
盤石坐柳陰亭午正風涼

秋日田園雜興

菽粟瓶罍貯滿家。天教將醉作生涯。不知新酒
堪筍未。今歲重陽有菊花。
細搗橙蘂買鱸魚。西風吹去四腮鱸。雪菘酥膩
千絲縷。除却松江到處無。

冬日田園雜興

屋上添高一把茆。密泥房曲似僧寮。從教屋外
陰風吼。卧聽籬頭響玉簫。
松節焚膏當燭籠。凝煙如墨暗房櫺。晚來拭淨

南窗紙。便覺斜陽一倍紅。

題秋鷺圖

昨夜新霜冷釣磯。綠荷消瘦碧蘆肥。一江秋色
無人問。盡屬風標兩雪衣。

晚思

蘚牆莎砌響幽蟲。睡起緜書覺夢中。殘暑一窗
風不動。秋陽入竹碎青紅。

重送文處厚因寄蜀父老

下峽東歸十五年。因君話舊意茫然。煩將遠道

悠悠夢直到天西暑雪邊

曉起


簾額繡波盪漾燭盤紅淚闌干夢裏五更風急
愁邊一半春殘

題如夢堂壁

勃姑雨啼喚午鴨鳩曉嘯留春片雲不載歸夢
兩鬢全供客塵

先人嘗為萃等言自十四五好為詩文晚時
深篤或寢疾醫以勞心見止亦以政自不能

不爾謝之手編僅成帙而弃不肖之孤其尚
忍言哉詩文凡百有三十卷求序于楊先生
誠齋求校于龔編脩芥隱而刊于家之壽櫟
堂春秋霜露思其致意思其所樂優然如見
愾然如聞也嘉泰三年旦日萃茲謹書



石倉十二代詩選

宋詩卷之五十一終

